

青州府志卷二十六

考四之二

營建考二

壇廟

寺觀附

府通禮各府壇廟之祀皆長官主之故府城壇廟之在祀典者不繫之倚郭之縣與他縣不同也

社稷壇舊在府城西北五里明初徙城內以宋矮松園爲祀所齊庶人國除永樂五年知府趙麟復移城外宏治十年建衡藩再移於端禮門內後壇廢仍祭於矮松園國朝康熙五十七年知府陶錦移城外東南建屋三楹繚以垣有碑記

青州府志卷二十六

先農壇在府城東郊

至聖廟見學校

崇聖祠見學校

忠義孝弟祠在學宮

祠祀布延布哈案元史布延布哈蒙古人舊志作益都人又祀於祠不知所本

名宦祠在學宮

祠祀宋刺史明慶符案宋明帝失淮北僑立南青州撫鬱洲南齊書明慶符兄僧紹傳云慶符爲青州僧紹乏糧食隨慶符之鬱洲則南青州刺史也非所應

祀又祀山東巡撫李鈞山東學政趙申季於義爲侈
卽有功德於青亦應專祠祀之况趙已有專祠於益
都乎

鄉賢祠在學宮

祠祀金尚書張行簡行簡日照人今日照已分屬沂
州不應仍祀其主又案

大清通禮忠義孝弟祠節孝祠名宦鄉賢祠皆列
文廟後例應附廟左右建也益都附郭忠義孝弟名
宦鄉賢統祀於府節孝則仍分祀於縣焉

神祇壇舊在府城南三里遷移廢興與社稷壇同康熙十

青州府志卷二十六

二

一年春青菜道鄭牧民始建城外東南郊舊志謂在
西門外誤

東鎮廟在府城東門樓

大清會典東鎮沂山祭於山東青州府沂山在府屬
之臨朐縣府城得立廟焉

關帝廟在前司街明嘉靖三十九年建天啟六年重脩
國朝乾隆壬子知府公莪等重脩

文昌祠一在府城西門內迤東明衡藩創建

國朝乾隆四十四年重脩一在城東北隅滾水橋北建始
無考乾隆十六年重脩一在縣學東南浙紹會館內關帝

殿之右康熙間知府張連登建後知府陶錦改建於關帝廟後俱有碑記

劉猛將軍廟在東嶽廟內乾隆五十四年知府李濤建八蜡廟舊在武成王廟內明嘉靖四十四年知府杜思買松林書院南民地更新建之

案乾隆十二年停八蜡之祀祀猛將軍故列其次

昭忠祠在關帝廟內

城隍廟一在府城西門外南陽水北岸一在府城西南隅今所祀也說見古蹟考

國朝康熙五十五年知府陶錦重脩有碑記

青州府志卷二十六

三

神祇壇雖並祀城隍之神而

大清通禮又別有城隍廟之文故廟仍列焉

郡厲壇舊在古城鎮青門外明洪武八年知府鄭邛發建正德間知府朱鑑脩萬曆八年知府王世能移於北門外大橋北久廢

國朝康熙五十六年知府陶錦捐俸創建案明洪武八年定制每里立鄉厲壇今廢

陶錦脩郡厲壇碑記伯有之死無歸鄭人驚走若狂黃熊在郊不祀晉侯寢疾三月凡以人窮則爲盜賊鬼窮則爲疵癘此皆必然之理也是以月令死事之賞與孤

寡並卹不惟念生者之無告抑且哀死者之無依乃至
人體幽協贊陰陽一視之心而厲壇之設所自來也青
之壇故在城西北郭舊有棲神數楹茅蓋頽然風雨不
蔽歷年祀事惟循歲例一薦曾無裴裒瞻顧謀所以更
新之者以其神無主名且勢處微賤雖好諂者亦不之
及余謂祭必誠誠必敬敬必謀所以妥之而使之安於
其位蹴爾疇爾人且不受而况鬼乎爰捐資程村撤蓋
而新易茅以瓦易土以石不必輪奐之巍然亦聊使薦
馨之有所敬奠一盃酌此三爵凡屬庭堅之不祀無或
若敖之爲餒庶幾游魂不悲於夜月而強魄弗啼泣於

青州府志卷二十六

四

淒風乎

火神廟在府城南門外建始無考康熙十六年重脩乾隆
五十四年道光十年先後重脩

旗纛神廟舊在青州衛治以北明嘉靖十六年徙東門外
演武場

龍神廟在府城北門外又縣志載有二一在西門樓一在
府城東聖水莊

五龍堂在城隍廟東咸豐七年知府毛永柏新建有碑記
今以神之萃於山陵川谷能興雲致雨佐造物以澤潤
生民滋長百穀普大化於及時不崇朝而千里苟不爲

之肅其廟貌薦以馨香亦何以重農事而答靈貺哉此予五龍堂所由建也而或有疑之者曰五龍之稱奚自昉乎則嘗稽前史太昊氏之紀五官也分五方五行之色列四序中央之位訓土俗教稼穡藝桑麻及佃漁畜牧使民衣食休養以開天立極故古之勤施定國禦菑捍患者生而出治沒則爲神祭法皆載之典不知龍之官果盡列於神歟抑神之官於天者猶人不懈而加惠於方之民歟要之理有感通幽明不異古今一轍稱名小取類大也予以丙辰季秋涖治此郡至冬滕六罕集入春澤尺愆期詢之屬邑皆然麥苗漸萎遂於郡廟設

青州府志卷二十六

五

壇書

龍神之位請禱焉夕則默祈官廨中凜凜若五方之神在念慮者越數日而應越數日而諸邑畢應

神之靈亦彰彰矣夫社稷爲壇墀以祀土穀八蜡合聚萬物而索饗之若

龍神司雨暘之時若濟土地年穀之順成備坊與水庸旱潦所不及滌昆蟲菑傷剝蝕之爲害其有功於農事者何如且郡爲諸邑之倡以方而論郡處中央諸邑環列四境焉以時而論凡境各隨月令以東作西成焉而實藉驂屏翳駕元冥爲之和陰陽而利阡陌也此五龍堂

之祀典尤宜與社蜡並隆也爰卜郡廟東徧隙地度土木丹雘所需捐資擇吉於咸豐七年丁巳季春之朔鳩工伊始爲殿三楹承以廊牖中設五龍之像傍侍雷公電母雨師風伯以昭明赫而陳牲裸將各有所也又於中庭樹坊俾重觀瞻於殿之西徧立小舍爲展拜所憩息由是門宇墻垣煥然咸備四閱月而工竣昔唐書載文宗太和間神嘗降於密州次第五至具五方之色議者以爲豐稔之瑞古之密卽郡之諸城安邱地茲屬邑中惟臨胸有是廟外此皆無之予旣有感於

青州府志卷二十六

六

神之默鑒微忱以爲民庇而創是舉也則凡有守土之責與同在祐護中者尙其敬事勿替也哉是爲記

福應廟在滿洲城泰安門內雍正十年

敕建

府城五十五里門內有石碑刻七言律
關聖大帝之作土人相傳爲唐李元
人孟傳經安邱進士孫炳台皆有文記

其事

益都

廟之專爲縣設及祀典所不及者仍繫於縣

至聖廟見學校

崇聖祠見學校

節孝祠在學宮

真武廟山東通志云祀北方元武七宿一在西門內一在北城南高臺上

大清通禮恭逢

萬壽聖節遣官致祭雖在祀典非郡縣所得祀故列於後

天齊廟卽東嶽廟在府城東門內前明創建屢圯道光九年重脩

青州府志卷二十六

七

元和郡縣志開元十三年冬元宗登封泰山事畢至山下日抱戴千官稱賀以靈岳昭感封泰山神爲天齊王故沿此稱謹案

大清通禮直省嶽鎮所在春秋仲月守土官致祭東嶽非青州所得祀故列於後

三皇廟在文昌祠右

堯廟在堯山之麓建始無考明永樂八年脩正統六年知府孟迪重建萬曆四十二年知府王家賓重脩

國朝知府陶錦重脩

大清會典伏羲氏祭於河南睢寧縣及甘肅秦州神

農氏祭於湖南鄆縣軒轅氏祭於陝西中部州帝堯
陶唐氏祭於山東濮州及東平州雖在祀典而非青
州所得祀故列於後

太公廟在府城西南唐開元中始置太公尚父廟配以留
侯張良中秋上戊祭如文宣王上元中尊爲武成王建中
中以禮儀使顏真卿奏春秋釋奠樂用軒縣定配享古今
名將六十四人圖形於廟貞元二年罷享諸將惟祀武成
王留侯四年用兵部侍郎李宁左司郎中嚴說去王號復
爲太公廟罷遣官致祭以將軍爲獻官

國朝乾隆三十二年知府費廷珍等重脩有碑記

青州府志卷二十六

八

禰氏廟舊志在府城西南內有三皇藥王廟

先賢有子祠在府城東十里陽河莊南陽水上

蓋公祠舊在府城北門內稅課司廢址明萬曆十八年巡
按御史鍾化民建

國朝康熙五十七年知府陶錦脩有碑今廢春秋在社稷
壇遙祭

陶錦重脩蓋公祠碑記竊謂治民猶治水也水得其順
下之性則安流否則築隄設障或反決而成災民因其
土俗之宜則就理否則朝三暮四或紛更而滋害故曰
禹之行水行所無事夫豈無疏濬排決之勞而順性不

違故有事不害其無事治民者亦行其所無事也夫豈無禮樂政刑之設而因宜以利用故無事不嫌於有事昔曹參相齊咨政羣儒言人人殊獨蓋公云治貴清靜而民自定參遂師之以成治後世或以黃老之術短之余謂漢治正患不能黃老耳夫秦法殺人如不及刑人惟恐有失漢高初以三章之約重得父老心而其後漸以苛密誅夷勲舊無歲蔑有甚至腹誅投鉏人人重足所謂黃老者安在哉幸參師公意以相齊而齊治師公意以相漢而漢治終孝惠之世不聞更張一法而海內乂安延及文景幾至刑措漢之得長有天下者未必非

青州府志卷二十六

九

蓋公清靜一言有以基之也公故有祠在城西北隅歲久圯廢余故從而新之固景慕昔賢之本懷抑使世之爲治者知多事不如少事有事不如無事守黃老之術尚可俎豆不祧彼申韓者孰師而孰奉之哉

許真君廟在府城西北乾隆年間重脩道光二十二年知府方用儀倡脩

大清通禮祭靈感普濟神許遜於南昌雖在祀典非青州所得祀故列於後

呂祖廟在府城南門內嘉慶間知府錢俊知縣劉均移脩
禰氏廟西北隅

大清通禮祭燮元贊運演正警化孚佑純陽帝君於
清河雖在祀典非青州所得祀故列於後今南門外
亦有呂祖廟

范公祠在府城西門外宋建祀宋參知政事知青州范仲
淹明末荒圯殆盡

國朝順治七年知府夏一鳳重建康熙四十五年知府張
連登五十七年知府陶錦重脩又建後樂亭翼以旁舍有
碑記道光二十年知府方用儀重脩

富公祠舊在府城西門外石子澗上

歐陽公祠舊在石子澗北順治間知府夏一鳳因富歐二

青州府志卷二十六

十

祠俱圯遷於范公祠左右更名三賢堂刻石以記之康熙
間知府張連登陶錦脩道光二十年知府方用儀重脩
忠烈廟祀岳武穆在府城北門外明崇禎十二年建
天后宮

大清通禮祀天后於福建省城及莆田湄洲又於江
蘇清口惠濟祠及各省濱海各州縣益都不濱海非
所得祀故列於後

明知府汪喬年生祠在府城北門外西街明崇禎十五年
建

明知縣張貞觀生祠在巨瀾店

明知縣鄭繼芳生祠

明知縣冀守謙生祠

明知縣介松年生祠縣志不言三祠所在

國朝學使趙申季祠在府學東隅

寧福寺在府城東四十里晉太安九年建

以下寺觀

彌陀寺在府城北門外南宋時建北齊重脩

彌勒寺在府城北三十里唐景雲二年建

廣福寺在劈山左麓金皇統八年重脩有隋大業隸書建

碑記

龍興寺

宋姚寬西溪叢語作青龍

在府城西門內今廢有唐李邕所書

青州府志卷二十六

龍興之寺四大字摹刻於齊臨淮王像碑陰今移城東北

文昌祠互詳古蹟

興吉寺在府城東四十里宋皇祐二年建

重興寺在府城東四十里宋天聖三年建

石佛寺在府城西北十里宋天聖三年建

永安寺在府城東五十里金大定十八年建

清涼寺在府城東隅泉子崖宋淳熙間建

昊天宮在駝山元大德間建

河山寺在府城東四十里巨彌社元至元十六年建

聖水寺在府城西一百里元延祐二年建

法慶寺在府城西北二里許

國朝達法和尙建原額大覺禪院順治中宏覺和尙請易寺名

敕賜法慶禪寺發帑金五百兩大其門廡康熙三十八年大學士郡人馮溥有碑記山東通志東省四大禪院益都之法慶諸城之佺雲光明及長清之雲巖也

博山

社稷壇在縣北郭門外西冶街後

先農壇在縣東門外

至聖廟見學校

青州府志卷二十六

十二

崇聖祠見學校

忠義孝弟祠舊名孝子祠在學宮

節孝祠在學宮西

鄉賢祠在學宮

神祇壇在縣南門外

關帝廟在縣北門外西冶街

文昌閣在峩嶺明萬厯間通判劉涓建魁星樓萬厯間通

判徐希龍建在文昌閣右

猛將軍廟在縣南大街

城隍廟在縣龍泉門內東偏

邑厲壇在縣北郊

土地祠在縣儀門東

大清通禮凡有興築之役則祀后土之神而無土地祠今州縣治多有祠朔望皆致禮焉

禹王廟在原山上

大清通禮祀夏禹王於會稽雖在祀典非青州所得祀故列於後

隴水神廟在虎山阜

雹泉廟在鳳凰山東麓

靈泉廟在長城嶺下隴水源上祀齊孝婦顏文姜晉郭緣

生述征記梁鄒城西有隴水或云齊之孝婦涌泉發於宅內以籠覆水所以名籠水唐徐堅初學記歐陽詢藝文類聚皆引此文而其世無聞舊志云廟後周建唐天寶間重建宋熙寧間封順德夫人賜龍泉爲額其左側有翁姑堂祀孝婦之舅姑

宋敕敕淄州孝婦顏文姜朕躬執珪幣郊見上帝覬爲萬民蒙嘉氣獲美祥旣又詔天下凡山林川谷之神能出雲雨殖財用有功烈於民而爵號未稱者皆以名聞將徧加禮命以褒顯之如此非特以爲報也蓋帝王制祀之也惟神聰明正直庇於一方供民之求如應

影響守臣列上朕甚嘉焉疏錫寵名以昭靈德且俾民奉事不懈今可特封順德夫人仍賜靈泉廟爲額熙寧八年六月日

宋周沆修孝婦廟記孝爲天地之經神乃陰陽不測生當異矣死則廟焉顏娘之神是其徒也事姑至孝汲水爲勞聿有靈泉潛生密室當籠覆而湛處外莫知其感通暨源發而派流衆方駭其靈異孝婦之水因茲以名圖經備詳此得略述屬以年禩寢遠祠宇久墮會博州牧守安侯奉帝俞治郡事值旬休務簡具清酌庶羞飛蓋出城齋心謁廟至止周覽思諸葺完遂乃召班爾之

青州府志卷二十六

十四

徒度材木之用凡所匠費悉自俸金不再浹旬來告工畢室連甍而大壯牆圻粉以過奢使彼道途觀乎輪奐則知我太守安侯好事致力庸至於此沆佐幕無畫屬辭寡聞承請抽毫勉強從命時大宋咸平六年歲次癸卯十一月五日記

商億增修孝婦廟記距淄之南五十里有水發源於山足趨梁鄒而貫乎清濟昔人構室於源上以爲祠案地志齊有孝婦顏文姜常踰歷山險負汲新泉奉姑之所嗜一旦感泉湧室內派流遠注故目其地曰顏神水曰

水祠

之廟其碑誌多所剝剝獨梁乾化刺

史高霸以歲旱祈禱卽日獲雨而命顏休續其屬紀始
年僅可詳究淄州地界齊魯之郊南皆山阜北頭大河
皇朝開國百餘年內外宴然四方無事其民專意施耕
作水境之內靡有閒曠雖歲小有水旱以其屈高占下
未嘗大凶民皆樂生安業不恤疾苦之至故於土廟之
神惟歲時奉祀而已頃之長民之官至者第推祀典案
例致答一胥持祀而往禮數盡矣熙寧紀號上大饗明
堂歲九月詔以比部郎王公爲之守閱明年農事旣興
眷肅賓僚躬謁祠下因以雨澤爲請觴奠旣畢嘉霖繼
沛百穀用成庾廩充積民自爲足不知所以致之於是

公以春秋二祀令甲所載皆革去故舊特命屬官親致
餼幣又明年盛夏之月天久不雨民胥告勞公夙駕再
往旋及中途雨大作浹日之間闔境告足凡州居之民
無有遠近歌咏歡呼喜神之賜相與倡諭更引迭進走
公之庭咸願出力以新其廟公乃訪其傍近之德士得
新授博州防禦判官張及主辦其事增起新址寵敞有
加功興於中夏迨仲秋而祠成自乾化迄今百有六十
年中間殆嘗經葺至是再新而基構始大然古者邱陵
川谷之神有益於民者在禮皆得祠之至其爲烈彰彰
者朝廷比嘗詔以封爵或國邑之號追崇之若孝姜之

靈於淄民用是而報之禮未爲過今王公特順民之欲
崇於廟貌虛此而弗議蓋有餘不敢盡耳熙寧六年八
月二十四日州學教授商億記

陳琦續翁姑因地記

節錄

夫人祠之左有所謂翁婆堂者

夫人之舅姑也舅姓李氏家於鄒邑李顏村姑郭氏故
居之地今顏廟是也舅贅於郭氏生夫人之夫壯顏
氏卽復聖之裔順德夫人也廟戶郭勅姑之遠親自天
寶以前父子相承世守其事迨今數百年曾無匱乏如
緣丁壯被差保役者漕使過而問之卽脫其籍如因道
流指占是廟者太守明以斷之卒從其初宣和七年歲

青州府志卷二十六

十六

次乙巳正月立

董道顏泉記余見李勝作顏泉記昔文姜事姑則異一
日泉發其居遂廟食於此或曰昔李陽冰嘗尉淄川刻
碑廟中今所書蓋據李監說余往來求陽冰記不得其
得破石僅尺蓋爲礎或視之書字可讀案其說文姜
姓顏餘與今廟中刻石所記無異嘗見唐李尤作集異
記書文姜事姑以孝謹樵采之外汲山泉以供飲一旦
緝籠之下湧泉清冷可愛時謂顏娘泉李尤所記後世
据之案顧野王地志謂顏文妻也事姑感得靈泉生
於室內嘗以緝籠蓋之姑出籠卽泉湧居宅時號籠

水野王所記自是當時所傳李尤以爲顏文姜誤也今考地志淄川爲齊邑唐武德分於齊郡而爲州治當唐陽冰爲尉於郡邑其事不妄而謂顏氏文姜則不得其實案此水本號萌水出甲山東北逕萌山西注般陽入於籠下與齊水合者萌水口也不知尤陽冰在唐世猶不得其水名而輿地志固已辨其出可無信耶余修官書見熙寧中封顏文姜爲順德夫人當時不知詳考但据李尤所記此其失也

見廣川書跋

案水經注隴水

鍾譚本注孫云當作隴有籠雙二音

南出長城中北流

至般陽縣故城西南與般水會卽今之顏娘泉也萌

青州府志卷二十六

十七

水自出甲山東北逕萌山西東北入於隴水孫廷銓顏山雜記云當是今明水俗稱岔河者也二水判然絕不相蒙董道誤以顏泉爲萌水而譏李尤之失孫氏非之董道之疎已可概見况太平寰宇記引輿地志卽作顏文姜初猶疑爲劓鬪氏之誤然全文中姜字凡四見其值姜不在私入姜室八字以姜字易之便不成語又子史菁華引輿地志實採自樂氏之書亦四姜字烏有二書皆誤之理則董氏所見當是傳寫之譌姑錄董記而附辨焉

藥王廟在鳳凰山南麓醫翟良建祀唐醫韋慈藏

范公祠在范泉上相傳文正公微時讀書於此後人立祠祀之乾隆初年縣人改爲文昌閣後七年己巳冬登萊青道沈某脩復之有記

郭公祠在靈泉廟內西南偏俗傳爲郭子儀督造廟側有令公祠承訛附會不足信

二女祠在龍泉寺內建始無考康熙二十八年重脩

趙進美二女堂碑記史云孝者天之性而人之所以靈也故聖人之德莫加於孝舜周曾閔尙矣卽閭閻之賤童孺之微苟充其量皆可格天地貫金石無大小殊也金鎮以顏文姜氏稱而又名其山川名其里社雖微德

常存彤管不泯然上之所風厲亦至矣其後乃復有二女事二女不知何代人姓氏夫不傳亦不知廟食起於何時祠圯者亦將百年獨存金章宗泰和間一碑額曰重脩二女堂記碑字剝蝕十九不可讀稍可辨者云顏神東山下二泉之南有神祠故云二女之泉又云詢諸耆耆舊有記文遭廢齊阜昌之水湮沒又云明昌元年人濁穢於泉泉忽竭義州尉高嵩等重脩其祠飾其像泉如舊今故老傳聞二女父母老無子相誓不嫁以養其親遂感甘泉湧於庭除記中亦云無子有二女其下雖盡泐詳其旨與父老傳聞之言頗符夫二女以葦茅

弱息篤志孝養沒齒不貳其行甚難其感甚異與顏文姜氏奕世相望可謂盛矣然顏文姜氏廟貌巍然載於祀典有司歲時恪恭將事祝釐奔走五方之士女波委雲集而二女姓氏湮滅至於數椽之棲勺水之供亦圯廢者百年而不舉幸不幸何懸殊哉孝爲獨行幸不幸固無所損益然於昔人風厲之旨則違矣別駕王公莅鎮六年政治民和百廢併興旣葺大成之宮而新之暇日與予遊二泉之上顧瞻遺址慨然歎曰是亦守土責也乃蠲俸僱工不募一材不役一夫作堂三楹高明爽塏龕二女而奉之歲脩蘋藻之薦使五方士女祝釐奔

走於顏文姜氏者復過二泉而禮焉觀其比里同規異代媲美無不憬然生感油然而起慕各率子職愛其髮膚勤其菽水則桴鼓可息訟庭可虛爲政多端公可謂知所先務矣今

聖天子孝治海內公之此舉實仰副至德承流布化推暨於無窮豈徒拾墜緒揚遺芳慰百年父老之心而已哉

魏公祠祀明通判魏怡

明郡人鍾羽正脩魏公祠碑記吾郡顏神鎮故有別駕魏公生祠與范文正公並民思魏公德祠所以報也祠

比於范公者其德埒也公去鎮蓋五十餘禩而民思之若新當事者更拓地爲堂三楹兩廡異之修葺以時垂於有永藩臬羣公屬余爲記余考今昔吏治隆污之際則慨然以歎而遠想先輩長者之風夫豈奉職無擇官拊循其民無擇地精心一意而無所爲於其間故感人深而流風遠余蓋聞於故老稱說魏公之所爲顏神者一何豈弟淳至也顏神蒼孤萬山輦路籃縷以啟之苦蓋荆棘以居之魏公以別駕來莅於茲其爲置散無異公卽不鄙夷之治官如家訓飭其民如其子弟農有勸蠶織有賞弭盜有法其大指乃在教訓安利之無取赫

赫治者久之而民乃大和訟息於庭民安於塾老穉嬉於野而公雅脩潔一絲不以自溷得代之日羨金四百置之而去蕭然空橐而已大略魏公之治如古循吏所勉豎而不自功公之節如古廉吏所檢飭而不自名其去顏神也萬人號留車枳而不得發家繪公像飲食必祝也其祠宇之存者日飾月闢五十祀而若新是何修何營哉別駕之卑顏神之僻宜賢者之所弗樂而公且以爲畏壘桐鄉此公之所以爲長者也世蓋有矯厲能稱職者矣或其官與地足以階榮藉聲者也然刻飾塗澤真意不偕而味亦不淵永其資與地無所復冀則

不漁其民以身爲壑口稱爲賢者矣何暇論於尸祝之間哉余故樂道公事而爲之記非獨致景行也且欲以風世焉正爲公伯子中丞公所薦士中丞公清忠沈毅有古大臣之節仲子又余同年相善季子刑部公亦名士蓋公積慶之澤將滿宇內祠不以重公也抑以繫邦人之思云爾

陶神廟在洪教寺後業琉璃者所建

爐神廟在北嶺上嶺下人多業陶廟祀古之始作陶者

玉皇宮在鳳凰山半宋大觀中道士張道源建庭有古檜

以下
寺觀

青州府志卷二十六

二十一

昊天上帝行祠在翫仙山宋崇寧元年建

彼岸寺在後峪山下金世宗大定二年脩有尙書禮部奉

敕牒碑字剝滅差可辨

聖水寺在聖水山半元延祐初建

臨淄

社稷壇舊在縣西北三里明洪武間知縣張惟德建正德間知縣馬暹脩嘉靖二十六年知縣陳震移建於西天寺左

至聖廟見學校

崇聖祠見學校

節孝祠在學宮東

名宦祠舊在學宮戟門東

鄉賢祠舊在學宮西今鄉賢與名宦同祀在學宮東北

祠祀齊太公桓公於義爲侈况太公亦非生於臨淄者耶又祀唐房元齡段志元案唐書宰相世系表房氏自諶隨慕容德南遷居濟南段氏自偃師徙河南諶至元齡九世偃師志元之父也元齡志元本傳皆曰齊州臨淄人唐齊州今之濟南在隋爲齊郡武德元年改爲齊州天寶元年改爲臨淄郡五載改爲濟南郡乾元元年復爲齊州元齡志元似皆非青州人

然以唐書考之元齡相太宗貞觀二十二年薨距天寶元年八十有七年志元左驍衛大將軍襲國公厯鎮軍大將軍貞觀十六年卒距天寶元年九十有三年其時濟南尚無臨淄之名而唐書必以兩賢歿後八九十年旋改旋廢之郡名繫之史家無此義例且改臨淄郡時無齊州之名復爲齊州無臨淄郡之名烏得謂齊州臨淄乎齊字疑誤况表旣稱偃師遷河南傳又以志元爲齊州臨淄人亦自相牴牾愈不能無疑矣太平寰宇記元齡青州臨淄人齊乘志元亦曰臨淄人兩賢之祀似不爲濫姑以俟博識者

神祇壇舊在縣南三土墓東明洪武間知縣張惟德建正德間知縣馬暹脩今移建迎思門外壕上

關帝廟在縣西門外

城隍廟在縣西通晝門內明洪武二年知縣歐陽銘建萬曆二十四年知縣張汝雨重脩四十五年知縣某移縣治東北

厲壇在縣北門外

東嶽廟在縣北三十里

天主祠在縣東南八里卽天齊淵也秦祀八神之一前代賜額曰休應廟

青州府志卷二十六

二十三

愚山神廟在縣西二十里宋元豐建封隱利侯

牛山神廟在縣南十五里牛山之阿建始無考元至治元年張春崑脩

白龍灣神祠在縣西二十里杜山宋政和間賜額靈貺后稷廟在縣西南十三里稷山上

齊太公桓公廟舊在縣西北二里營邱東建始無考宋景祐二年脩明成化三年改建儒學東北以魯仲連等賢

配享

管鮑祠在溫泉康熙五十八年知府陶錦移建有碑記杞大夫妻祠在縣東境祀周杞梁妻

城陽景王廟在縣境祀漢朱虛侯劉章

周尹祠在城隍廟右祀明知縣周致

興國寺在縣西門外後趙石虎建始名廣化寺

以下寺觀

天齊觀在縣城內金大定間道士楊善淵卜居建三清觀

掘地得古磚志云大齊丙戌二年南郭石羊巷楊道圓施

花磚三千在天齊觀蓋此地高齊天齊觀故基也今二觀

址俱廢石羊亦無存不復知所謂南郭矣

龍華觀在縣治東元大德五年建

脩真觀在城東北曹村社元延祐二年建

博興

青州府志卷二十六

二十四

社稷壇縣志不載其處今於城西埽地以祭

先農壇縣志籍田在東郊祀室圯今祀於八蜡廟

至聖廟見學校

崇聖祠見學校

忠義孝弟祠在學宮

節孝祠在縣東門內

名宦祠在學宮

舊志云祀明知縣陳文煒馬繼祖何鉞今皆無之而

祀益都學訓導郭純非所宜祀或純曾署博興縣學

耶又祀山東巡撫楊廷耀山東學政趙申季督糧道

朱廷楨曹州鎮總兵劉清皆非所宜宜審正焉

鄉賢祠在學宮

神祇壇在縣西南明洪武八年知縣戴岳建已圯其址猶存

關帝廟在縣署西明洪武時建宏治間已圯嘉靖間知縣王三接盧源重建縣人張繼芳有碑萬曆九年三十六年再脩並有碑

國朝康熙五十七年知縣李元偉道光二十一年知縣周壬福重脩

文昌閣在縣學東南明知縣翁兆雲建久廢移祀於梓潼

青州府志卷二十六

二十五

廟在縣署西北亦翁兆雲倡建也

猛將軍廟雍正間建在縣東門外道光二十年知縣周壬福重脩

八蜡廟在縣東門外猛將軍廟西明知縣何鈺建知縣翁兆雲重脩

國朝知縣萬雲又督縣人重脩置廟田

城隍廟在縣治西明初建縣丞謝斌倡脩

國朝康熙十七年知縣萬雲五十七年知縣李元偉重脩有碑記

邑厲壇在縣北明洪武十年知縣李彥弼建

火神廟祀祝融在縣城內西北隅建姑無考嘉慶間知縣楊廷桂重脩

馬神廟祀房星在縣治東建始無考康熙五十七年知縣李元偉重建

土地祠在縣治儀門東

天齊廟在縣東門外建始無考明知縣趙永安楊子鳳翁兆雲陳之琦等先後重脩

大王廟在李家莊祀河神金龍四大王謝緒

大清通禮

國朝封顯佑通濟昭靈効順廣利安民惠孚金龍四

青州府志卷二十六

二十六

大王濱河州縣皆有祀縣不濱河雖在祀典非所宜祀也故列於後

龍神廟在縣東門外建始無考明知縣翁兆雲重建

國朝康熙八年重脩

真武廟在縣北門外建始無考明知縣翁兆雲倡脩

三皇廟在縣西北建始無考明知縣趙永安倡脩左有藥

王廟祀唐醫韋慈藏

靈沛侯祠祀漢李左車建始無考康熙六十年夏大旱知縣李元偉禱雨有應重脩

仙孝祠祀漢孝子董永烈女祠祀常烈女俱在縣城西門

內康熙五年知縣蔣維藩建又董公廟在縣東北三十里亦祀董永

鄭公祠祀明縣丞鄭安國康熙五十七年知縣李元偉建於錦秋湖後圯移祀安國於燕公祠

燕公祠在縣東門外乾隆間縣人建祀知縣燕增元道元二十一年知縣周壬福重脩

同光寺一名石佛寺在縣東南二十五里北齊建
寺觀

高苑
社稷壇舊在縣北門外知縣張大綸移西關外

先農壇縣志缺

青州府志卷二十六

二十七

至聖廟見學校

崇聖祠見學校

忠義孝弟祠在學宮

節孝祠在學宮

名宦祠在學宮

祠祀明青州府同知張宏武定兵備道許達

國朝巡按御史宋學朱巡撫御史袁懋功楊廷耀皆

非所宜宜正之

鄉賢祠在學宮

祠祀魯仲連田橫案太平寰宇記仲連橫皆臨淄人

非高苑所得祀卽仲連墓在縣界專祠祀之可也
神祇壇在縣東門外

關帝廟縣人馮吉慶等建明萬曆二十七年縣人拓其基
而大之

文昌廟在縣西門外十字街北

城隍廟在縣署東南建始無考明嘉靖十二年重脩萬曆
間知縣齊鳴鳳重脩

國朝康熙十年知縣宋弼乾隆二十一年知縣張耀璧先
後重脩

邑厲壇在縣北郊今廢

青州府志卷二十六

二十八

八蜡廟縣志未詳其地

北極廟在縣北門外

天齊廟在縣東門外明萬曆間建

國朝康熙八年知縣宋弼脩乾隆間知縣張耀璧重脩

三義祠在縣東門外

高節祠祀魯仲連在縣西五里仲連墓前

功德祠明知縣齊鳴鳳建卽崇正書院舊址祀知府潘鈇

同知彭瓌推官陳珪報知小清功也翰林高拱爲記後以

新城決河爭訟推官馬從聘直於當道縣民德之生祀其

主於祠知縣馮文盛有碑記

遺愛祠祀明知縣葛臣袁稔又

國朝知縣朱翰春祠二一在學宮東一在田鎮今廢

順德夫人祠在縣北十五里孟張務祀孝婦顏文姜

普濟寺在縣署東南元至元二年建

以下
寺觀

妙果寺在縣署東南元大德五年建

樂安

社稷壇在縣西北明洪武初建萬曆七年知縣崔汝孝重脩

先農壇在縣東門外雍正五年建八年圯於水九年知縣

李方膺重脩

青州府志卷二十六

二十九

至聖廟見學校

崇聖祠見學校

忠義孝弟祠縣志稱孝義祠在學宮

節孝祠在學宮

名宦祠在學宮

鄉賢祠在學宮

祠祀先賢梁鱸案樂安在周爲齊之青邱邑梁鱸古無邑人之說或以宋封千乘侯而祀之耶又祠歐陽生歐陽歛歐陽千乘人漢千乘郡治在今高苑今之樂安非其時千乘縣也說見沿革三人者不應在祠

又祀兒寬說見後兒內史祠下

神祇壇在縣南門外演武場西明洪武間建萬曆七年知縣崔汝孝重脩

關帝廟在縣署西北預備倉後宋建炎二年建金縣人張彥脩明成化二十年知縣沈清重脩嘉靖二十一年知縣馬子文建三義堂隆慶二年知縣杜朝貴萬曆三年知縣姜璧七年知縣崔汝孝先後重脩八年汝孝建鐘樓文昌祠在學宮東南雍正十年知縣李方膺重建奎星閣舊在學宮前後移於東南城上久圯雍正十年知縣李方膺仍建於舊址

青州府志卷二十六

三十

猛將軍廟在關帝廟後雍正二年建

八蜡廟在縣西一里明嘉靖二十四年知縣王本固建

城隍廟在縣治北建始無考明洪武初年知縣趙復成化十八年知縣沈清正德六年知縣張宗德隆慶六年知縣姜璧先後重脩

國朝康熙六年知縣歐陽焯重脩

邑厲壇在縣北明洪武間建萬曆間知縣崔汝孝重脩

龍神廟在縣東門外元至正四年縣人程鵬建明天順六年知縣狄惠遷於城隍廟東成化二十一年知縣沈清嘉靖二十六年知縣王本固萬曆八年知縣崔汝孝先後重

脩十三年巡按御史韓應庚重脩正祠前厦翼以兩廊是年冬燬於火旋復建之
真武廟在城隍廟西明嘉靖間建萬厯間知縣崔汝孝增以廣厦並重脩焉

周公祠在學宮東建始無考祀元聖姬公順治十一年縣人孫三錫重脩

兒內史祠在縣西五里墓旁明成化五年知縣馬亮建十六年知縣沈清以舊制卑隘買地三畝增其規制翼以東西舍嘉靖二十四年知縣王本固以祠廢墓存祀之鄉賢祠萬厯元年知縣姜璧建墓門繚以垣更樹墓碑七年知

青州府志卷二十六

三十一

縣崔汝孝重脩今久廢

董孝子祠在縣西太和莊去冢甚近

三尹祠在縣西一里隋令蕭琅祠也建始無考宋嘉祐中重脩元增祀縣尹綦泰張德新爲三尹祠明嘉靖初知縣王傳遷其祠稍東增漢樂安太守陳蕃爲四賢祠二十四年知縣王本固更建祠於學宮東隆慶初知縣吳一龍仍改建於舊址少北祀蕭綦張三尹而陳不與焉

烈女祠在縣西門外祀明正德間蕭四姐事詳列女傳

吉祥寺在縣西金建

寺觀

壽光

社稷壇在縣城西北

先農壇在縣小東門外

至聖廟見學校

崇聖祠見學校

忠義孝弟祠舊稱忠義祠在學宮後

節孝祠在縣署西

名宦祠在學宮東

鄉賢祠在學宮西

神祇壇在縣南

關帝廟在縣署東南明萬曆八年建

青州府志卷二十六

三十一

文昌閣在學宮左

猛將軍廟在縣署東乾隆十一年重建

八蜡祠每歲十二月望日祀於城隍廟

城隍廟在縣署東南明洪武二年知縣黃彬建嘉靖二十

二年知縣王文翰萬曆三十一年知縣郭佳鎮重脩

國朝康熙三十四年知縣劉有成增脩嘉慶三年知縣劉

翰周重脩有碑記

邑厲壇在縣東北

火神廟在縣南門外乾隆十七年知縣王椿建

旗纛亭亭久廢祀尚存

東嶽廟在縣西門外

倉頡廟在縣西門外廟有問津橋啟秘亭

禹王廟在斟灌城內有金明昌時碣

紀臺神祠在縣南二十五里紀城內水經注云劇城之北有故臺卽此高四丈上有神祠左爲紀亭精舍

東方朔廟在縣東南十五里巨洋水東土人因廟而更爲之墓墓不在壽光也

昭賢祠在縣署前小十字口西祀明大學士邑人劉翊嘉靖間賜號昭賢

廉尹祠在縣署西南祀明知縣楊昕賢尹祠在縣治東祀

青州府志卷二十六

三十三

明知縣溫純郭佳鎮王國相徐公祠在縣治東祀明知縣徐伸許公祠在溫泉左祀

國朝知縣許文秀今皆廢

延慶寺在縣東南五里漢光和年建

以下
寺觀

壽聖寺在縣南三十里宋元祐二年建

陽和寺在縣西北四十里宋慶曆元年建

紫微寺在縣東北四十里元至元二年建

河山寺在縣西南二十里元泰定九年建

奉敕寺在縣北四十里元至正元年建

齊國寺在縣東二十里元至正元年建

斟灌寺在縣東北六十里元至正元年建

濁北寺在縣北四十里元至正二年建

昌樂

社稷壇在縣西北

先農壇在縣東門外

至聖廟見學校

崇聖祠見學校

忠義孝弟祠舊稱忠義祠在崇聖祠後

節孝祠在北門內

名宦祠在學宮

青州府志卷二十六

三十四

鄉賢祠在學宮

神祇壇在縣南郭門外

關帝廟在縣南門外郭西一在西門樓

文昌閣在縣南門外長樂郭門

猛將軍向無專廟設位祭於玉霄宮嘉慶二年因縣東門

外天齊廟廢基改建

先農壇始立將軍廟及八蜡廟於其中

城隍廟在縣署西

邑厲壇在縣北

龍王廟在縣東門外乾隆四十一年知縣曹宅安脩

夷齊廟在縣東十里孤山上祀殷伯夷叔齊建始無考宋賜額曰昭賢元賜額曰清聖西偏有龍神廟禱雨輒應宋封廣靈侯元加孚澤廣靈侯至正間山東東西道宣尉使趙名失督知濰州張萃澈新之王登有重修孤山廟碑記歲久傾圯明嘉靖間御史熊榮督知縣黃軌重建成化間知府李昂督知縣袁麟重脩之熊李皆有碑記

縣志載元王登重脩廟碑記題曰北海孤山廟其文專主夷齊而附及龍神猶孤山之廟云耳舊志岐而爲二曰夷齊廟曰孤山廟縣志亦兩載之曰清聖廟曰孤山廟孤山廟下又曰龍王廟是以孤山之廟爲

青州府志卷二十六

三十五

龍神矣分載非以孤山屬龍神尤非今援登文正之而載其文於後

元王登重脩北海孤山廟碑記伯夷叔齊姓墨氏長允字公信季智字公達夷齊諡也伯夷避紂居北海之濱墓在河東蒲坂雷首之陽濰古北海孤山去州西幾半百邦人思之立祠其上秦漢而下不知幾興廢矣觀亡宋崇寧石文有進爵之賜立祠之始無自考焉憲天述道仁文義武大光孝皇帝卽位以來百廢具舉名山大川古聖前賢咸頒諡典至元辛巳冬十月宣命贈伯夷昭義清惠公叔齊崇讓仁惠公祠旁有龍神廟亦贈孚

澤廣靈侯居民謂遇歲旱嘆禱輒應一方恒霑需焉廟
圯已久神無所依至正己丑古襄趙侯爲山東東西道
宣尉使命濰守張萃澈新之疑者謂居北海者伯夷也
不聞叔齊雖然首陽之餓兄弟同之豈避亂而舍而他
適乎否則慕二公之賢者因祀其兄而配其弟也登嘗
讀洪氏之論曰武王伐紂太公佐之伯夷非之佐之者
以拯天下之溺非之者以懲萬古之亂其用心一也不
然則殷之三仁或去或不去或死或不死何以皆得爲
仁耶登不敢別立異議特書前人之確論云

清幽觀在城西南金建

寺觀

青州府志卷二十六

三十六

臨朐

社稷壇在縣北門外

先農壇

至聖廟見學校

崇聖祠見學校

忠義孝弟祠在學宮西

節孝祠在學宮西

名宦祠在學宮

鄉賢祠在學宮

神祇壇在縣南門外

東鎮沂山神廟在縣東西九十五里 山之麓

大清通禮恭逢

時巡省方及因事徧祭方鎮皆遣官致祭每歲春秋仲月又有所在專祭守土止官主之典至隆也謹遵通禮次列於此

關帝廟在縣城內

猛將軍廟在縣城內

八蜡廟在栗山

城隍廟在縣署西南明正統間知縣張鳳脩

邑厲壇在縣北門外

青州府志卷二十六

三十七

真武廟在縣城內

逢山祠在縣西鎮頭社水經注洋水逕逢山祠西祠祀逢山神也非其故地矣

逢伯陵廟在逢山之陰洋水北

靈澤廟在縣西北七十里仰天山黑龍洞側宋元符三年

賜額靈澤崇寧五年封豐濟侯

五龍堂在縣西南二十五里治水南岸

冶官祠在縣南二十五里冶源昔歐冶子鑄劍之地水經注曰薰冶水出西溪之上有冶官祠廣雅云金神謂之清明古冶官取以立祠今圯

孫公祠卽城隍廟在縣東門外北偏城牆下墓在祠後明
洪武二年有敕封萬曆三十六年陳致恭重修或曰孫平
或曰孫單皆不可知姑兩存之

常將軍廟在縣南一百里穆陵關將軍名元通符秦昭宣
帝時爲大岷戍建元二十年晉謝元攻青州死之後人爲
之立廟

李衛公廟在縣西南八十里書堂社祀唐李靖相傳公讀
書於此無可考

崔府君廟在縣署東祀唐崔子玉

褚尹祠在縣北門外明嘉靖間邑公建祀知縣褚寶

青州府志卷二十六

三十八

仰天寺在仰天山建始無考

以下
寺觀

逢山寺仰天寺之下院也在逢山下宋嘉祐間建

紫薇觀在縣署南元中統間建

安邱

社稷壇在縣西北明洪武間立

先農壇在城東里許

至聖廟見學校

崇聖祠見學校

忠義孝弟祠在學宮東

節孝祠在學宮

名宦祠在學宮

鄉賢祠在學宮

神祇壇在縣南明洪武初立

關帝廟在縣東門外

文昌祠在縣東門內一在城東北二十一里祈嗣崖

猛將軍廟雍正二年建在縣東郭外八蜡廟內

八蜡廟舊在祈嗣崖明知縣熊元移東郭外

城隍廟在縣北門內明正統成化中知縣戴汝霖何淮兩

新之教諭華亭曹安有記

國朝順治十四年知縣徐謂弟重脩康熙七年地震廟圯

訓導王懋建捐俸重脩

邑厲壇在縣北

膏潤廟在縣西四十里雹泉之後祀泉神元至元二十一

年知縣馬瑞重建記稱大觀政和中旱知縣李安節兩禱

於泉有白蛇白鼠之祥時乃大雨再請於朝得賜廟額封

其神爲靈沛侯至元中復旱密州守黃濟以詩禱之雨竟

如禱乃再新廟貌以答神貺別有靈沛侯行宮在城南一

里許爲複祠黃濟詩寄語安邱靈沛侯晚田無雨不成秋

何當一瀉天瓢水點點能消萬姓愁卽此謂也

公治長祠在縣南七十里建始無考明成化間知縣陳文

偉重建有碑記邑人以九月九日祀之

蓋公祠在縣東四十里臨淮鄉祀漢蓋公卽曹參所師事者夫婦並祀焉

鄭公祠在縣東四十里礪阜祀漢鄭元

鄭管祠在學宮東祀鄭元管寧

許真君祠在城西

朱子祠在縣東邑人劉源淥建

陸公祠在學宮左祀歸安陸師爲封礦也

三賢祠在城隍廟東祀明都指揮衛青知縣張旃馬撫

王烈婦祠在城南

諸城邱橈王烈婦祠堂記安邱近有烈婦祠祀都生之室人王烈婦也烈婦歸都生且十年都生一旦以末疾捐賓客婦少俟夜分卽自經以殉之實嘉靖癸丑之二月十二日也迄今有司者猶莫爲之上其事下邑僻遠輶軒罕到采風者又無從而摭拾也然則孰祠之邑庠諸彥道合義起捐貲輸木不日畢工而王叔正氏實爲之倡落成之餘叔正氏暨二三執友來徵余記且曰吾憐烈婦之無後而堂以祠之吾又懼烈婦之無聞而欲文以永之也顧余學媿陽秋官非太史其何能爲烈婦闡幽潛樹名德哉余爲諸生時蓋嘗附叔正驥尾遠

爲湖南之遊都生以叔正高第弟子亦負笈從焉時猶
未有室也一傾蓋間春容蘊藉雅不類凡品自是佔畢
之暇攜之湖上或相與上下其論議則不覺順下風而
問之卒定忘年交云屈指分襟蓋一紀於此矣每安邱
人士相過於京邸間詢知都生才名藉甚日以脫穎望
之乃不幸死矣祇一內爲身後之長物又卽日殉之以
死矣縣令未之白當路未之知朝廷表閭之典尙未之
下余隣邑鄉人夙辱都生之知且廁迹朝省而未能代
爲之請則烈婦之無聞余於是有厚媿焉而又何記之
敢辭然烈婦視死生之際輕若鴻毛而其一死則重於

泰山卽使縣令終不之白當路終不之知表閭之典終
不之下諸君不爲之祠余今日亦不爲之記并使其名
終泯泯無聞焉於烈婦何恨哉亦於烈婦何損哉况乎
有不朽之天地有不朽之人心綱常風教萬古一日雖
金石失其爲堅簡冊失其爲久而又何余言之是賴吾
聞茲邑之東曰鄭公鄉者漢儒鄭康成祠在焉康成講
道授徒初於漢之祀典無與且時不見庸則其沒也必
不爲之立祠或亦出於鄉人及士類一時慕道之所爲
豈遂冀異代之後有其舉之而卒莫廢哉由漢以來殆
千有餘歲今人有過之者其孰不瞻拜致肅卽數百里

外村民田婦亦皆結社而往香火之盛至於東土之山川等是雖流俗無知野儀近瀆要必有始之者矣不知當時亦賴有碑記與否求之漢人文字中又未見有記康成之祠者何烈婦一無儀之婦人未可與先儒同年而較然康成以百代鴻鉅之儒烈婦以一時慷慨之義細大不倫均足以繫人心而傳後世安知他年烈婦之祠不爲今日鄭公之鄉耶余惟誌其歲月表厥方所俾過斯堂者知爲烈婦之祠後有結社而來者并知祠之所由始耳都生諱一貫峒峪里人卒年若干烈婦東北坊民存仁女叔正之從女弟也卒年二十四歲祠在南

郭之外不半里許乃若諸彥姓字則碑陰具矣

甯先生祠在縣北五里汶水北祀訓導甯朝亮

國朝乾隆四年建縣人馬長淑有碑記

開明寺在縣城西門內宋天聖三年建

以下
寺觀

大清觀在縣西四十里金大定元年建

共濟禪院在縣南六十里金大定三年建

神清觀在縣東北六十里金大定三年建

修橋寺在縣東北五十里 明昌六年建

遇仙觀在縣東北二十里祈嗣崖元中統元年建

棲虛觀在縣西十里元至正十三年建

諸城

社稷壇在縣西北百步明洪武三年知縣金汝穆建

先農壇在縣東南古城內雍正五年立

至聖廟見學校

崇聖祠見學校

公冶子祠在錫山墓前始見詳古蹟明正德十年知縣韓肇脩萬曆二十五年縣人重建祠側有祭田百畝

大清會典云聖賢祠墓所在擇其裔設祀生諸城縣公冶子長祠墓一名而今無之當訪求嫡裔舉以奉祠祀焉

青州府志卷二十六

四十三

忠義孝弟祠縣志稱忠孝祠在學宮西南

節孝祠縣志稱節義祠在學宮西南

名宦祠在學宮

祠祀陳俊撤吉思案俊後漢琅邪太守治開陽撤吉思非密州官又祀

國朝巡撫袁懋功亦嫌於瀆皆不應祀又縣志云康熙六十年詳府舊牘有巡撫李炳楊廷耀巡按宋學朱督學道趙申季任塾布政使陳極新侯居廣按察使蔡琦蘇昌臣吳毓琛郎永清濟東道宋廣業驛傳道韓鎬督糧道朱廷楨登來道楊奇烈青州道周亮

工青

大美鮑鉉同知王束岱歷城知縣韓

城宣諸

非所宜所亟宜更定者

鄉賢祠在學宮

祠祀齊太公太公周之國君卽生於諸城亦不應儕
於鄉賢况非諸城人乎舊志有漢孫虞三國諸葛瑾
唐顏杲卿顏真卿四人虞東武人宜祀瑾琅邪陽都
人當與亮同祀於沂水杲卿真卿琅邪臨沂人當祀
於蘭山皆非所應祀也

神祇壇在縣永安門外迤西高原上明洪武三年知縣金
汝穆建

青州府志卷二十六

四十四

關帝廟在縣城內東南隅本元時三皇廟有至元三十一
年碑改建無考

國朝康熙五十四年重脩乾隆十九年知縣李瀚脩

文昌閣在學宮東南隅並祀魁星建始無考乾隆二十八
年知縣宮懋讓重脩

猛將軍廟在極臺下

八蜡廟在縣北明嘉靖三年建萬曆七年知縣李觀光增
脩陳燁有碑記

城隍廟在縣西寧門內稍南建始無考明萬曆三年知縣
趙楫始拓其基而更新之邱櫛有碑記

邑厲壇在社稷壇東明洪武八年知縣高復亨建萬曆七年知縣李觀光重脩洪武八年又建鄉厲壇一百九十五旋廢

土地祠在縣署內儀門東

旗纛廟明洪武四年建於千戶所久廢今祭於演武場

天齊廟一在縣署東北一在縣西北相州唐貞觀初建

海神廟祀四時在琅邪臺上案秦始皇二十八年祠八神

八日四時主祠琅邪漢宣帝祠四時於琅邪卽此明萬曆

二十六年知縣顏悅道建

常山神廟在縣南三十里常山北麓建始無考宋皇祐四

青州府志卷二十六

四十五

年知密州吳奎重脩碑云常山神祠其來舊矣案元魏地

形志有常山祠當卽此也熙寧九年詔封神爲潤民侯知

密州蘇軾所從禱雨也大觀

舊志山東通志俱作宣和

四年封靈濟昭

應王尋封王之妻爲靈順夫人元至元十四年加封廣惠

祠西南數武卽雩泉亭

烽火山神廟在縣東南二十里建始無考元至元三十一

年知縣商世榮重脩

龍王廟在城東三里明洪武十年知縣高復亨建縣南

仙山龍潭上亦有龍王廟縣大旱則禱於龍潭投牲牢以

祭

龍母祠元時海運泊船之所舟人勒石祠前在琅邪臺東
十里齋堂島

舜廟在諸馮村不詳所始

太公廟舊在學宮今圯於故址爲位以祀

張仙祠在南城東南隅建始無考乾隆五十九年邑人重
脩

蘇公祠在縣城北垣超然臺上元至治二年同知密州庚
伯麟重脩明知縣黃武李觀光甯嘉猷繼脩

國朝康熙二十九年知縣馬翀二十六年知縣羅廷璋乾
隆二十四年知縣張師赤皆有脩葺常山亦有蘇公廢祠

青州府志卷二十六

四十六

知縣宮懋讓重建

周公堂在縣西十五里齊吉社縣前志云公名則不知何
代人爲人樸實正直不阿鄉里重之旣老端坐而化子曰
仁曰義卽其骸爲像祀之嘉靖三十一年萬曆十七年鄉
人王通李昂相繼重脩李澄中云相傳爲唐人有土行蓋
亦鄉先生歿而祀於社之意也故附於此

二楊公祠在縣西寧門外祀容城楊繼盛太平楊天民按
祠爲太平生祠明萬曆二十七年建容城合祀焉

國朝康熙二十四年知縣孫祚昌置祭田百二十畝後六
十年知縣羅廷璋停天民祀專祀繼盛改其額爲忠愍祠

乾隆二十三年貢生寇安民請於官復共舊

壽聖寺在縣東北五十里白龍山案舊碑東漢永平間名

虹巒寺宋改今名

以下
寺觀

洪禪寺在縣北六十里李文集寺碑云唐咸亨二年始有
是名

鄣日山院在縣東南四十里黃巷社金大定二十九年建

光明寺在縣西南八十里五蓮山明萬曆三十年敕建

侔雲寺在縣西南九十里九仙山今名興雲寺